

## К ОПУБЛИКОВАНИЮ

### КОМИ РЕСПУБЛИКАСА ЮРАЛЫСЬЛӨН ИНДӨД

#### **«Коми Республикаын наградаяс да ошкөмьяс йылысь» Коми Республикаса Оланпас збыльмөдан мераяс йылысь**

«Коми Республикаын наградаяс да ошкөмьяс йылысь» Коми Республикаса Оланпас збыльмөдөм могысь шуа:

1. Вынсөдны:

1) «Почёта гражданин» Коми Республикаса медвылыс почёт ним сетан пöрадоксö да условияессö 1 №-а содтöд серти;

2) Коми Республикаса уджыввса геройлысь медвылыс почёт ним сетан пöрадоксö да условияессö 2 №-а содтöд серти;

3) «Коми Республикаса бать-мам слава» орден да «Челядьöс бура быдтöмысь» Коми Республикаса медаль сетан пöрадоксö да условияессö 3 №-а содтöд серти;

4) Коми Республикаса почёт нимьяс сетан да Коми Республикаса почёт грамота сетан пöрадоксö да условияессö 4 №-а содтöд серти;

5) Коми Республикаса нимьяс сетан, Коми Республикаса отличие пасьяс, «Коми Республикалөн лача» Коми Республикаса пас сетан пöрадоксö да условияессö 5 №-а содтöд серти;

6) «Уджсикасын медбур» Коми Республикаса почёт пöв вылö портретьяс öшöдан пöрадоксö да условияессö 6 №-а содтöд серти;

7) Коми Республикаса Юралысьлөн дипломөн, Коми Республикаса Юралысьлөн дона козинөн, Коми Республикаса Юралысьлөн аттьöалöмөн ошкан пöрадоксö да условияессö 7 №-а содтöд серти;

8) Коми Республикаса Юралысьлөн наградной плакеткаөн ошкан пöрадоксö да условияессö 8 №-а содтöд серти;

9) Коми Республикаса почёт небöглөн образецö да сийöс нуöдан пöрадоксö 9 №-а содтöд серти;

10) «Почёта гражданин» морöсыввса паслысь образецö да сийöс опишитöмсö да «Почёта гражданин» Коми Республикаса медвылыс почёт ним сетöм йылысь эскöданпаслысь образецö 10 №-а содтöд серти;

11) «Коми Республикаса уджыввса герой» морöсыввса паслысь образецö да сийöс опишитöмсö да Коми Республикаса уджыввса геройлысь Коми Республикаса медвылыс почёт ним сетöм йылысь эскöданпаслысь образецö 11 №-а содтöд серти;

12) «Коми Республикаса бать-мам слава» орденлысь образецö да сийöс опишитöмсö да сы дорö эскöданпаслысь образецö 12 №-а содтöд серти;

13) «Челядьöс бура быдтöмысь» Коми Республикаса медальлысь образецö да сийöс опишитöмсö да сы дорö эскöданпаслысь образецö 13 №-а содтöд серти;

14) «Коми Республика водзын торъя заслугаясысь» морӧсвывса паслысь, «Коми Республикаса нимӧдана уджалысь» морӧсвывса паслысь образецсӧ да сійӧс опишитӧмсӧ да Коми Республикаса почёт ним сетӧм йылысь эскӧданпаслысь образецсӧ 14 №-а содтӧд серти;

15) Коми Республикаса почёт грамоталысь образецсӧ 15 №-а содтӧд серти;

16) «Коми Республикаса почёта уджалысь» морӧсвывса паслысь образецсӧ да сійӧс опишитӧмсӧ да Коми Республикаса ним сетӧм йылысь эскӧданпаслысь образецсӧ 16 №-а содтӧд серти;

17) «Коми Республика водзын заслугаясысь» морӧсвывса паслысь образецсӧ да сійӧс опишитӧмсӧ да сы дорӧ эскӧданпаслысь образецсӧ 17 №-а содтӧд серти;

18) «Коми Республикалы зэв бура служитӧмысь» морӧсвывса паслысь образецсӧ да сійӧс опишитӧмсӧ да сы дорӧ эскӧданпаслысь образецсӧ 18 №-а содтӧд серти;

19) «Уджын повтӧмлун» морӧсвывса паслысь образецсӧ да сійӧс опишитӧмсӧ да сы дорӧ эскӧданпаслысь образецсӧ 19 №-а содтӧд серти;

20) «Добровольчество сӧвмӧдӧмӧ пай пуктӧмысь» морӧсвывса паслысь образецсӧ да сійӧс опишитӧмсӧ да сы дорӧ эскӧданпаслысь образецсӧ 20 №-а содтӧд серти;

21) «Коми Республикалӧн лача» Коми Республикаса паслысь образецсӧ да сійӧс опишитӧмсӧ да сы дорӧ эскӧданпаслысь образецсӧ 21 №-а содтӧд серти;

22) Коми Республикаса Юралысьлӧн дипломлысь образецсӧ 22 №-а содтӧд серти;

23) Коми Республикаса Юралысьлӧн дона козинӧн ошкӧм йылысь эскӧдангижӧдлысь образецсӧ 23 №-а содтӧд серти;

24) Коми Республикаса Юралысьлӧн аттьӧалӧмлысь образецсӧ 24 №-а содтӧд серти;

25) Коми Республикаса Юралысьлысь награднӧй плакетка опишитӧмсӧ 25 №-а содтӧд серти;

26) Награда (ошкӧм) сетӧм вылӧ награднӧй листлысь формаяссӧ 26 №-а содтӧд серти;

27) Коми Республикаса канму (мукӧд) награда сетан протоколлысь формасӧ 27 №-а содтӧд серти.

2. Вӧзйыны организацияяслы, кӧні уджалӧны йӧз, кодъяслы сетӧма Коми Республикаса медвылыс почёт нимъяс, Коми Республикаса почёт нимъяс, кодъяслы сетӧма Коми Республикаса почёт грамота, Коми Республикаса отличие пасъяс, кодъяслысь портретьяссӧ ӧшӧдӧма «Уджсикасын медбур» Коми Республикаса почёта пӧв вылӧ, кодъясӧс ошкӧма Коми Республикаса Юралысьлӧн дипломӧн, Коми Республикаса Юралысьлӧн дона козинӧн либӧ Коми Республикаса Юралысьлӧн аттьӧалӧмӧн, видлавны индӧм йӧзӧс организацияяслӧн сьӧм тшӧт весьтӧ премируйтны позянлун.

3. Тшөктыны Коми Республикаса Юралысьлөн Администрациялы сетны тайö Индöдсö збыльмөдöмкөд йитчöм гөгөрвоөдöмьяс.

4. Лыддыны вынтöмөн Коми Республикаса Юралысьлысь öткымын индöд 28 №-а содтöдын индöм лыддьöг серти.

5. Тайö Индöдыс вынсялö сийöс официальнöя йöзöдöмсянь дас лун кольöм мысти, положениеяс кындзи, кутшöмьяслы тайö пунктса мөд – нельöд абзацьясөн урчитöма мөд вынсялан кадколаст.

«Коми Республика водзын торъя заслугаясысь» морöсвивса паслөн образец да сийöс опишитöм, «Коми Республикаса нимöдана уджалысь» морöсвивса пас, кутшöмьясöс вынсьöдöма тайö Индöдөн (тайö Индöд дорö 14 №-а содтöд), «Коми Республикаса почёта уджалысь» морöсвивса паслөн образец да сийöс опишитöм, кутшöмьясöс вынсьöдöма тайö Индöдөн (тайö Индöд дорö 16 №-а содтöд), вынсялöны 2022 вося косму тöлысь 1 лунсянь.

Тайö Индöдлөн 4 пунктис вынсялö тайö Индöдсö официальнöя йöзöдöмсянь дас лун кольöм бöрын, «Коми Республикаса нимöдана уджалысь» морöсвивса паслөн образец да сийöс опишитöм, кутшöмьясöс вынсьöдöма «Коми Республикаын наградаяс да ошкöмьяс йылысь» Коми Республикаса Оланпас збыльмөдан мераяс йылысь» Коми Республикаса Юралысьлөн 2011 во ода-кора тöлысь 27 лунся 84 №-а Индöдөн (водзö – Коми Республикаса Юралысьлөн 2011 во ода-кора тöлысь 27 лунся 84 №-а Индöд) (12 №-а содтöд), «Коми Республика водзын торъя заслугаясысь» морöсвивса паслөн образец да сийöс опишитöм, кутшöмьясöс вынсьöдöма Коми Республикаса Юралысьлөн 2011 во ода-кора тöлысь 27 лунся 84 №-а Индöдөн (13 №-а содтöд), «Коми Республика почёта уджалысь» морöсвивса паслөн образец да сийöс опишитöм кындзи, кутшöмьясöс вынсьöдöма Коми Республикаса Юралысьлөн 2011 во ода-кора тöлысь 27 лунся 84 №-а Индöдөн (16 №-а содтöд).

«Коми Республикаса нимöдана уджалысь» морöсвивса паслөн образец да сийöс опишитöм, кутшöмьясöс вынсьöдöма Коми Республикаса Юралысьлөн 2011 во ода-кора тöлысь 27 лунся 84 №-а Индöдөн (12 №-а содтöд), «Коми Республика водзын торъя заслугаясысь» морöсвивса паслөн образец да сийöс опишитöм, кутшöмьясöс вынсьöдöма Коми Республикаса Юралысьлөн 2011 во ода-кора тöлысь 27 лунся 84 №-а Индöдөн (13 №-а содтöд), «Коми Республика почёта уджалысь» морöсвивса паслөн образец да сийöс опишитöм, кутшöмьясöс вынсьöдöма Коми Республикаса Юралысьлөн 2011 во ода-кора тöлысь 27 лунся 84 №-а Индöдөн (16 №-а содтöд), лöоны вынтöмөн 2022 вося косму тöлысь 1 лунсянь.

6. Урчитны, мый тайö Индöдлөн вынсялан лунсянь 2022 во косму тöлысь 1 лунöдз:

1) йöзлы, кодьяслы сетöма «Коми Республикаын наградаяс да ошкöмьяс йылысь» Коми Республикаса Оланпасын 3 статьялөн 5 пунктса 1-4 пунктувьясын индöм Коми Республикаса почёт нимьяс, сетöны «Коми Республика водзын торъя заслугаясысь» морöсвивса пас, кутшöмлысь

образецсö да кутшöмöс опишитöмсö вынсьöдöма Коми Республикаса Юралысьлöн 2011 во ода-кора тöлысь 27 лунся 84 №-а Индöдöн (13 №-а содтöд);

2) йöзлы, кодъяслы сетöма «Коми Республикаса нимöдана уджалысь» Коми Республикаса почёт ним, сетöны «Коми Республикаса нимöдана уджалысь» морöсвывса пас, кутшöмлысь образецсö да кутшöмöс опишитöмсö вынсьöдöма Коми Республикаса Юралысьлöн 2011 во ода-кора тöлысь 27 лунся 84 №-а Индöдöн (12 №-а содтöд);

3) йöзлы, кодъяслы сетöма «Коми Республикаын наградаяс да ошкöмъяс йылысь» Коми Республикаса Оланпасын 4 статьялöн 1 пунктын индöм Коми Республикаса почёт нимъяс, сетöны «Коми Республикаса почёта уджалысь» морöсвывса пас, кутшöмлысь образецсö да кутшöмöс опишитöмсö вынсьöдöма Коми Республикаса Юралысьлöн 2011 во ода-кора тöлысь 27 лунся 84 №-а Индöдöн (16 №-а содтöд).

Коми Республикаса Юралысь

В. Уйба

Сыктывкар

2022 вося урасьöм тöлысь 9 лун

12 №

ВЫНСЬӨДӨМА  
Коми Республикаса Юралысьлөн  
2022 во урасьом төлысь 9 лунся 12 №-а Индөдөн  
(1 №-а содтөд)

«Почёта гражданин»  
Коми Республикаса медвылыс почёт ним сетан  
**ПӐРАДОК ДА УСЛОВИЕЯС**

1. Тайӧ Пӧрадокыс да условиеясыс ладмӧдӧны «Почёта гражданин» Коми Республикаса медвылыс почёт ним (водзӧ – медвылыс почёт ним) сетӧмкӧд йитчӧм юалӧмъяссӧ.

2. Медвылыс почёт нимсӧ сетӧны ӧтчдысь вонас да сетӧны сийӧс моз төлысь 22 лунӧ – Коми Республикалӧн лунӧ.

3. Вылыс почёт нимсӧ вӧзйӧны сетны Коми Республикаын муниципальной районлӧн, муниципальной кытшлӧн либӧ кар кытшлӧн меставывса асвеськӧдлан органъяс (водзӧ – меставывса асвеськӧдлан органъяс) асланыс кӧсйӧм серти либӧ награда сетны вӧзйысь Коми Республикаса канму власьт органлӧн, Коми Республикаса мукӧд канму органлӧн, организацияса коллективлӧн ходатайство подув вылын (водзӧ – награда сетны вӧзйысьяс).

4. Йӧзлы, кодьяслӧн эмӧсь вештытӧм дисциплинарнӧя мыждӧмъяс, либӧ кодьяслӧн эм вештытӧм либӧ бырӧдтӧм судимосьт, либӧ кодьяс серти панӧма уголовнӧй делӧ либӧ нуӧдсьӧ служебнӧй прӧверка, медвылыс почёт нимсӧ оз вӧзйыны сетны.

5. Награда сетны вӧзйысьяс оформитӧны йӧзлы, кодьяслы вӧзйӧны сетны медвылыс почёт ним, награда сетны (ошкыны) вӧзьян награднӧй листсӧ «Коми Республикаын наградаяс да ошкӧмъяс йылысь» Коми Республикаса Оланпас збыльмӧдан мераяс йылысь» Коми Республикаса Юралысьлӧн 2022 во урасьом төлысь 9 лунся 12 №-а Индӧд дорӧ 26 №-а содтӧдын индӧм 1 №-а форма серти (водзӧ – награднӧй лист). Награднӧй листсӧ гижӧны печатнӧя, сэнӧ оз позь вӧчны торксьылӧмъяс да веськӧдӧмъяс.

Награднӧй листын мортлӧн характеристикаын, кодлы вӧзйӧны сетны медвылыс почёт нимсӧ, петкӧдлӧны сылысь заслугаяссӧ, уджӧ либӧ службаӧ пай пуктӧмсӧ да стӧч шедӧдӧмторьяссӧ да мукӧд тӧдмӧг, кутшӧмъяс сетӧны позянлун подулалӧмӧн донъявны индӧм мортлысь Коми Республикаӧс социальнӧя, экономическӧя, политическӧя да культурнӧя сӧвмӧдан, Айму дорьян да канмулысь видзчысянлунсӧ могмӧдан могьяс збыльмӧдӧмӧ пай пуктӧмсӧ, мукӧд шедӧдӧмторсӧ.

Награда сетны вӧзйысьяс асьныс кывкутӧны награднӧй листын гижӧм тӧдмӧгьяслӧн стӧчлун да збыльлун вӧсна.

6. Организациясса директорьяслӧн сӧветьясӧн веськӧдлысьяслы, юрнуӧдысьяслы, найӧс вежысьяслы, медыджыд экономистьяслы да

юралысь бухгалтерьяслы медвылыс почёт ним сетны вöзьян наградной лист дорö содтöны:

1) став тшупöда сьöмкудйö организацияөн вот мынтöм йылысь вот органысь справка;

2) справка сы йылысь, мый организациялөн уджалысьяс водзын удждон мынтöм серти уджйöзыс абу;

3) организациялөн бöрья 3 воысь финансово-экономической петкöдласьяслөн динамика йылысь справка.

7. Наградной листын лöсялана гижöдьясөн оформитöны Коми Республикаын муниципальной районлөн, муниципальной кытшлөн либö кар кытшлөн меставывса администрацияса, Коми Республикалөн олöмö пöртысь власьт органа юралысьлөн (юрнуöдысьлөн) сöгласуйтöмьяс мортлөн, кодлы вöзйöны сетны медвылыс почёт ним, удж отрасльлы лöсялём серти.

8. Меставывса асвеськöдлан органьяс öнйя волөн рака тöлысь 1 лунысь оз сёрджык сетöны медвылыс почёт ним сетны вöзйöмсö (Коми Республикаса Юралысьлөн ним вылö письмöөн) тайö Пöрадоклөн да условияслөн 6 пунктын индём наградной лист да справкаяс содтöмөн (организациясса сöветьяслөн директорьяслы, юрнуöдысьяслы, найöс вежысьяслы, медыджыд экономистьяслы да юралысь бухгалтерьяслы медвылыс почёт ним сетны вöзйигөн) (водзö – наградной документьяс) Коми Республикаса Юралысьлөн Администрацияö (водзö – Администрация).

9. Администрация видлалö наградной документьяссö налөн воан лунсянь 20 уджалан лун чöжөн.

10. Наградной документьяс видлалан бöртасьяс серти Администрация тайö Пöрадоклөн да условияслөн 9 пунктын индём кадколастö бөр сетö наградной документьяссö меставывса асвеськöдлан органö бөр сетан помкаяссö индёмөн сэк, кор:

1) урчитöма, мый медвылыс почёт ним сетны вöзйöм мортлөн наградной документьясын тöдмөгьясыс абу стöчöсь;

2) наградной документьясыс оз лöсявны тайö Пöрадоклөн да условияслөн 5-7 пунктьясса корöмьяслы;

3) наградной документьяссö сетöма тайö Пöрадоклөн да условияслөн 8 пунктын индём кадколастысь сёрджык;

4) медвылыс почёт ним сетны вöзйöм мортлөн эмöсь вештытöм дисциплинарной мыждöмьяс, либö вештытöм либö бырöдтöм судимосьт либö сы серти панöма уголовной делö либö служебной прöверка.

11. Меставывса асвеськöдлан орган вермö выль пöв сетны Администрацияö наградной документьяссö тайö Пöрадоклөн 10 пунктса 1 да 2 пунктувьясын индём бергöдан помкаяссö бырöдём бöрын тайö Пöрадоклөн да условияслөн 8 пунктын индём кадколастысь оз сёрджык.

12. Сэк, кор Администрацияын наградной документьяс видлалан периодö вежсьöны медвылыс почёт ним сетны вöзйöм мортлөн биографиякöд йитчöм тöдмөгьясыс (мöд чинö индём, уджысь мездём, ов

вежӧм, оланін вежӧм, сылӧн кувсьӧм да мукӧдтор), а сідзжӧ сэк, кор тайӧ мортлы индӧма дисциплинарнӧя мыждӧм либӧ сы серти панӧма уголовнӧй делӧ либӧ служебнӧй прӧверка, меставывса асвеськӧдлан органлы да (либӧ) награда сетны вӧзйысьлы дзик пыр колӧ гижӧмӧн юӧртны та йылысь Администрацияӧ (письмӧ, факсимильнӧй юӧр да мукӧдтор) тайӧ пунктын индӧм лоӧмторъяссӧ эскӧдысь документъяс сетӧмӧн.

13. Сэк, кор тайӧ Пӧрадоклӧн да условияслӧн 10 пунктӧн урчитӧм награднӧй документъяссӧ бӧр сетан помкаясыс абуӧсь, награднӧй документъяссӧ видлалӧ Коми Республикаса наградаяс серти комиссия (водзӧ – Комиссия) Администрацияӧ налӧн воан лунсянь 45 лун чӧжӧн Коми Республикаса наградаяс серти комиссия йылысь положениеӧн урчитӧм пӧрадокын, кутшӧмӧс вынсьӧдӧма «Коми Республикаса наградаяс серти комиссия да Коми Республикаса Юралысьлысь ӧткымын индӧд вынтӧмӧн лыддьӧм йылысь» Коми Республикаса Юралысьлӧн 2019 во тӧвшӧр тӧлысь 31 лунся 6 №-а Индӧдӧн (2 №-а содтӧд).

14. Комиссия примитӧ мортлы медвылыс почӧт ним сетӧм йылысь либӧ медвылыс почӧт ним сетны вӧзйӧмын ӧткажитӧм йылысь Коми Республикаса Юралысьлы вӧзйӧм йылысь подулалӧм помшуӧм.

15. Администрация ӧнӧя волӧн рака тӧлысь 25 лунысь оз сӧрджык ыстӧ Коми Республикаса ӧтйӧза палатӧ медвылыс почӧт ним сетӧм вылӧ кандидатураяс индан юалӧм серти йӧзкотырлысь видзӧдлассӧ тӧдмалӧм да видлалӧм могысь йӧзкӧд ӧтув видлалӧмъяс нуӧдӧм йылысь шыӧдчӧм, кытчӧ пырӧ медвылыс почӧт ним сетны вӧзйӧм йӧз йылысь юӧр.

Йӧзкӧд ӧтув видлалӧм бӧрын Коми Республикаса ӧтйӧза палата дасьтӧ кывкӧрталан документ (сӧрнигижӧд), кытчӧ пыртӧны медвылыс почӧт ним сетны вӧзйӧм быд морт серти йӧзкотырлысь видзӧдлассӧ тӧдмалан бӧртасьяссӧ, да ыстӧ сійӧс Администрацияӧ ода-кора тӧлысь 15 лунысь оз сӧрджык.

16. Коми Республикаса Юралысь ӧнӧя волӧн ода-кора тӧлысь 20 лунӧдз ыстӧ Коми Республикаса Каналан Сӧветӧ видлалӧм вылӧ документъяс, кытчӧ пыртӧма медвылыс почӧт ним сетны вӧзйӧм йӧз йылысь юӧр, да Коми Республикаса ӧтйӧза палаталысь кывкӧрталан документ (сӧрнигижӧд), кутшӧмӧс индӧма тайӧ Пӧрадоклӧн да условияслӧн 15 пунктса мӧд абзацын.

Коми Республикаса Каналан Сӧвет видлалӧ медвылыс почӧт ним сетӧм вылӧ кандидатураяссӧ Коми Республикаса Каналан Сӧветӧн урчитӧм пӧрадокын да ыстӧ вӧзйӧмъяссӧ Коми Республикаса Юралысьлы.

17. Коми Республикаса Юралысь индӧ медвылыс почӧт ним сетӧм вылӧ кандидатураяссӧ Коми Республикаса Каналан Сӧветлысь вӧзйӧмъяссӧ да Комиссиялысь рекомендацияяссӧ тӧд вылӧ босьтӧмӧн.

18. Медвылыс почӧт ним сетӧм йылысь йӧзӧдӧны Коми Республикаса Юралысьлысь индӧд, кутшӧмӧс колӧ официалнӧя публикуйтны.

19. «Почӧта гражданин» морӧсвывса пас да медвылыс почӧт ним сетӧм йылысь эскӧданпассӧ (водзӧ – медвылыс почӧт ним сетӧм йылысь

документъяс) кыпыда сетö Коми Республикаса Юралысь либö сылön тшöктöм серти да сылön нимсянь мöд морт награда сетöм мортлы аслыс медвылыс почёт ним сетöм йылысь Коми Республикаса Юралысьлысь индöд йöзöдöмсянь 60 лунысь оз сёрджык. Сэк, кор медвылыс почёт нимсö сетöны мортлön кувсьöм бöрын, медвылыс почёт ним сетöм йылысь документъяссö кыпыда сетöны мортлön, кодлы наградасö сетöма кувсьöм бöрас, наследникъяслы.

Сэк, кор медвылыс почёт ним сетöм йылысь документъяссö тайö пунктса медводдза абзацын индöм кадколастö сетны позянлуныс абу, йöз, кодъяслы тшöктöма сетны медвылыс почёт ним сетöм йылысь документъяссö тайö пунктса медводдза абзацын индöм кадколаст помасьöм бöрын мунысь лунсянь 10 лун чожön бөр сетöны найöс Администрацияö помкаяссö индöдöмön, кутшöмъяс вöсна эз збыльмöдны тшöктöмсö.

20. Медвылыс почёт ним сетöм йылысь документъяс сетöм йылысь лöсьöдöны Коми Республикаса канму (мукöд) награда сетöм йылысь сёрнигжöд «Коми Республикаын наградаяс да ошкöмъяс йылысь» Коми Республикаса Оланпас збыльмöдан мераяс йылысь» Коми Республикаса Юралысьлön 2022 во урасьöм тöлысь 9 лунся 12 №-а Индöдлön 27 №-а содтöдын индöм форма серти.

Сёрнигжöдсö кырымалö медвылыс почёт ним сетöм йылысь документъяс сетысь морт, сийöс вынсьöдöны печатьön да кырымалан лунсянь 5 лун чожön ыстöны Администрацияö.

21. Йöз йылысь тöдмөгъяссö, кодъяслы сетöма медвылыс почёт ним, пыртöны Коми Республикаса почёт небöгö медвылыс почёт ним сетöм йылысь Коми Республикаса Юралысьлысь индöд лэдзан лунсянь 30 лун чожön. Коми Республикаса почёт небöг нуöдöмсö могмöдö Администрация сийöс нуöдан пöрадок серти, кутшöмöс вынсьöдöма «Коми Республикаын наградаяс да ошкöмъяс йылысь» Коми Республикаса Оланпас збыльмöдан мераяс йылысь» Коми Республикаса Юралысьлön 2022 во урасьöм тöлысь 9 лунся 12 №-а Индöдön (9 №-а содтöд).

22. Сэк, кор медвылыс почёт ним сетöм вылö мортöс вöзйöм могысь пыртöм наградной документъясын аддзöма, мый тöдмөгъясыс абу збыльöсь, кутшöмъяс вöсна тайö мортсö награда сетны вöзйöмыс подулавтöм, Коми Республикаса Юралысь Комиссиялön подулалöм вöзйöм серти лэдзö тайö морт серти медвылыс почёт ним сетöм йылысь Коми Республикаса Юралысьлысь индöд дугöдöм йылысь (Коми Республикаса Юралысьлön индöдö вежсьöм пыртöм йылысь) индöд.

«Почёта гражданин» морöсвывса пассö да медвылыс почёт ним сетöм йылысь эскöданпассö, кутшöмъясöс сетöмаöсь мортлы, код серти лэдзöма награда сетöмсö дугöдöм йылысь Коми Республикаса Юралысьлön помшуöм, колö бөр сетны Комиссияö.

23. «Почёта гражданин» морöсвывса пас да (либö) медвылыс почёт ним сетöм йылысь эскöданпас воштöм дырйи медвылыс почёт ним сетöм йылысь документъяссö бөр оз лöсьöдны. Та дырйи мортлы, кодлы сетöма



медвылыс почёт нимсö, сылön аслас заявление подув вылын, кöни индöма медвылыс почёт ним сетöм йылысь документъяс воштан помкаяссö, Комиссияö татшöм заявление воан лунсянь 30 лун чöжөн Комиссия сетö Комиссияөн урчитöм образец серти медвылыс почёт ним сетöм йылысь справка.

24. Пырджык медвылыс почёт нимсö сетöны онас 3-ысь абу унджык мортлы.

25. Медвылыс почёт нимсö сетöны лöсяна финансöвöй во вылö Коми Республикаса республиканскöй сьöмкудйын индöм медшöр могъяс вылö урчитöм сьöм мындаын.

ВЫНСЬӨДӨМА  
Коми Республикаса Юралысьлөн  
2022 во урасьом төлысь 9 лунся 12 №-а Индөдөн  
(2 №-а содтөд)

Коми Республикаса уджвывса геройлысь  
Коми Республикаса медвылысь почёт ним сетан  
**ПӨРАДОК ДА УСЛОВИЕЯС**

1. Тайö Пöрадокыс да условиеясыс ладмөдöны Коми Республикаса уджвывса геройлысь Коми Республикаса медвылысь почёт ним сетöмкөд йитчöм юалöмъяссö (водзö – Уджвывса Геройлысь ним).

2. Уджвывса геройлысь нимсö сетöны вонас öтчыдысь да сийöс сетöны 1 Май – Тулыс да Удж нимöдан гаж пасйигөн.

3. Уджвывса геройлысь нимсö вöзйöны сетны Коми Республикаын муниципальной районлөн, муниципальной кытшлөн либö кар кытшлөн меставывса асвеськөдлан органьяс, Коми Республикаса канму власьт органьяс, Коми Республикаса мукöд канму орган (водзö лöсялөмөн – меставывса асвеськөдлан орган, канму орган) аслас кöсйöм серти либö награда сетны вöзйысь организацияса коллективлөн ходатайство подув вылын (водзö – награда сетны вöзйысьяс).

4. Йöзлы, кодьяслөн эмöсь вештытöм дисциплинарнöя мыждöмьяс, либö кодьяслөн эм вештытöм либö бырöдтöм судимосьт, либö кодьяс серти панöма уголовнöй делö либö нуöдöны служебнöй прöверка, Уджвывса геройлысь нимсö оз сетны.

5. Йöзлы, кодьяслы вöзйöны сетны Уджвывса геройлысь нимьяс, награда сетны (ошкыны) вöзьян награднöй листсö оформитöны награда сетны вöзйысьяс «Коми Республикаын наградаяс да ошкөмьяс йылысь» Коми Республикаса Оланпас збыльмөдан мераяс йылысь» Коми Республикаса Юралысьлөн 2022 во урасьом төлысь 9 лунся 12 №-а Индөд дорö 26 №-а содтöдын индөм 1 №-а форма серти (водзö – награднöй лист). Награднöй листсö гижöны печатнöя, сэнi оз позь вöчны торксьылöмьяс да веськөдöмьяс.

Награднöй листын мортлөн характеристикаын, кодлы вöзйöны сетны Уджвывса геройлысь ним, петкөдлöны сылысь заслугаяссö, уджö либö службаö сыөн пай пунктöмсö да сылысь стöч шедöдöмторьяссö да мукöд тöдмөг, кутшöмьяс сетöны позянлун подулалөмөн донъявны индөм мортлысь Коми Республикаöс социальнöя, экономическöя, политическöя да культурнöя сөвмөдан, Айму дорьян да канмулысь видзчысянлунсö могмөдан могьяс збыльмөдöмö пай пунктöмсö, мукöд шедöдöмторсö.

Награда сетны вöзйысьяс асьныс кывкутöны награднöй листын гижöм тöдмөгьяслөн стöчлун да збыльлун вöсна.

6. Организациясса директорьяслөн сөветьясөн веськөдлысьяслы, юрнуöдысьяслы, найöс вежысьяслы, медыджыд экономистьяслы да

юралысь бухгалтерьяслы Уджывса геройлысь ним сетны вöзын наградной лист дорö содтöны;

1) став тшупöда съомкудойö организацияөн вот мынтöм йылысь вот органысь справка;

2) справка сы йылысь, мый организациялөн уджалысьяс водзын удждон мынтöм серти уджйöзыс абу;

3) организациялөн бöрья 3 воысь финансово-экономической петкöдласьяслөн динамика йылысь справка.

7. Наградной листын лöсялана гижöдьясөн оформитöны Коми Республикаын муниципальной районлөн, муниципальной кытшлөн либö кар кытшлөн меставывса администрацияса, Коми Республикалөн олöмö пöртысь власьт органа юралысьлөн (юрнуöдысьлөн) сöгласуйтöмьяс мортлөн, кодлы вöзийöны сетны Уджывса геройлысь ним, удж юкөнлы лöсялöм серти.

8. Меставывса асвеськöдлан органьяс, канму органьяс öнiя волөн рака тöлысь 1 лунысь оз сёрджык сетöны Уджывса геройлысь ним сетны вöзиймсö (Коми Республикаса Юралысьлөн ним вылö письмöөн) тайö Пöрадоклөн да условияслөн 6 пунктын индöм наградной лист да справкаяс содтöмөн (организациясса директорьяслөн советьясөн веськöдлысьяслы, юрнуöдысьяслы, найöс вежысьяслы, медыджыд экономистьяслы да юралысь бухгалтерьяслы Уджывса геройлысь ним сетны вöзийгөн) (водзö – наградной документьяс) Коми Республикаса Юралысьлөн Администрацияö (водзö – Администрация).

9. Администрация видлалö наградной документьяссö налөн воан лунсянь 20 лун чöжөн.

10. Наградной документьяс видлалöм бöрын Администрация тайö Пöрадоклөн да условияслөн 9 пунктын индöм кадколастö бөр сетö наградной документьяссö меставывса асвеськöдлан органö, канму органö бөр сетан помкаяссö индöмөн сэк, кор:

1) урчитöма, мый Уджывса геройлысь ним сетны вöзийм мортлөн наградной документьясын тöдмөгьясыс абу стöчöсь;

2) кувсьöма Уджывса геройлысь ним сетны вöзийм мортыс;

3) наградной документьясыс оз лöсявны тайö Пöрадоклөн да условияслөн 5-7 пунктьяслөн корöмьяслы;

4) наградной документьяссö сетöма тайö Пöрадоклөн да условияслөн 8 пунктын индöм кадколастысь сёрджык;

5) Уджывса геройлысь ним сетны вöзийм мортлөн эмöсь вештытöм дисциплинарной мыждöмьяс, либö вештытöм либö бырöдтöм судимосьт либö сы серти панöма уголовной делö либö служебной пöверка.

11. Меставывса асвеськöдлан орган, канму орган вермö выль пöв сетны Администрацияö наградной документьяссö тайö Пöрадоклөн 10 пунктса 1 да 3 пунктувьясын индöм бөр сетан помкаяссö бырöдöм бöрын тайö Пöрадоклөн да условияслөн 8 пунктын индöм кадколастысь оз сёрджык.

12. Сэк, кор Администрацияын наградной документъяс видлалан периодо вежсьоны Уджывса геройлысь ним сетны вöйöм мортлөн биографиякод йитчöм тöдмөгъясыс (мöд чинö индöм, уджысь мездöм, ов вежöм, оланін вежöм, сылөн кувсьöм да мукöдтор), а сідзжö сэк, кор тайö мортлы индöма дисциплинарной мыждöм либö сы серти панöма уголовной делö либö служебной прöверка, меставывса асвеськöдлан органлы, канму органлы да (либö) награда сетны вöйысьлы дзик пыр колö гижöмөн юöртны та йылысь Администрацияö (письмö, факсимильной юөр да мукöдтор) тайö пунктын индöм лоöмторьяссö эскöдысь документъяс сетöмөн.

13. Сэк, кор тайö Пöрадоклөн да условиеяслөн 10 пунктөн урчитöм наградной документъяссö бөр сетан помкаясыс абуось, наградной документъяссö Коми Республикаса Юралысьöн найöс видлавтöдз видлалö Коми Республикаса наградаяс серти комиссия (водзö – Комиссия) Администрацияö налөн воан лунсянь 45 лун чöжөн Коми Республикаса наградаяс серти комиссия йылысь положениеөн урчитöм пöрадокын, кутшöмöс вынсьöдöма «Коми Республикаса наградаяс серти комиссия да Коми Республикаса Юралысьлысь öткымын индöд вынтöмөн лыддьöм йылысь» Коми Республикаса Юралысьлөн 2019 во тövшөр тöлысь 31 лунся 6 №-а Индöдөн (2 №-а содтöд).

14. Комиссия примитö Уджывса геройлысь ним мортлы сетöм йылысь либö награда сикассö вежöм йылысь, кутшöмöс вöйöма сетны мортлы, Уджывса геройлысь ним сетны вöйöмын öткажитöм йылысь Коми Республикаса Юралысьлы вöйöм йылысь подулалöм помшуöм.

15. Сэк, кор Комиссия примитö Уджывса Геройлысь ним мортлы сетöм либö награда сикассö вежöм йылысь помшуöм, кутшöмöс вöйöма сетны мортлы, Комиссияса заседаниелөн сёрнигижöд подув вылын Комиссияса секретар дасьтö лöсялана Коми Республикаса Юралысьлысь индöд бала либö Коми Республикаса Юралысьлысь тшöктöм бала (награда либö ошкöм сикаскöд йитöдын), кутшöмöс сетö Комиссияөн веськöдлысь Коми Республикаса Юралысьлы видлалöм вылö Коми Республикаса Юралысьлөн Уджаланарт серти.

16. Сэк, кор Комиссия примитöма Уджывса геройлысь ним сетны вöйöмын öткажитöм йылысь помшуöм, Администрация татшöм помшуöм примитан лунсянь 14 лун чöжөн гижöмөн юöртö та йылысь меставывса асвеськöдлан органö, канму органö öткажитан помкаяссö индöмөн да бөр сетö наградной документъяссö.

17. Уджывса геройлысь ним сетöм йылысь лэдзöны Коми Республикаса Юралысьлысь индöд, кутшöмöс колö официальнойя публикуютны.

18. «Коми Республикаса уджывса герой» морöсывса пассö да Уджывса геройлысь ним сетöм йылысь эскöданпассö (водзö – Уджывса геройлысь ним сетöм йылысь документъяс) кыпыда сетö Коми Республикаса Юралысь либö сылөн тшöктöм серти да сылөн нимсянь мöд

морт награда сетом мортлы аслыс Коми Республикаса Юралысьлысь индод лэдзöмсянь 60 лунысь оз сёрджык.

Сэк, кор Уджывса геройлысь ним сетом йылысь документъяссö тайö пунктса медводдза абзацын индом кадколастö сетны позянлуныс абу, йоз, кодъяслы тшöктöма сетны Уджывса геройлысь ним сетом йылысь документъяссö тайö пунктса медводдза абзацын индом кадколаст помасьом бöрын мунысь лунсянь 10 лун чожон бөр сетоны найöс Администрацияö помкаяссö индöдöмön, кутшöмъяс вöсна эз збыльмöдны тшöктöмсö.

19. Уджывса геройлысь ним сетом йылысь документъяс сетом йылысь лöсьöдöны Коми Республикаса канму (мукöд) награда сетом йылысь сёрнигижöd «Коми Республикаын наградаяс да ошкöмъяс йылысь» Коми Республикаса Оланпас збыльмöдан мераяс йылысь» Коми Республикаса Юралысьлön 2022 во урасьом тöлысь 9 лунся 12 №-а Индöдлön 27 №-а содтöдын индом форма серти.

Сёрнигижödсö кырымалö Уджывса Геройлысь ним сетом йылысь документъяс сетысь морт, сийöс вынсьöдöны печатьон да кырымалан лунсянь 7 лун чожон ыстöны Администрацияö.

20. Сэк, кор Уджывса геройлысь ним сетом вылö мортöс вöзйöм могысь пыртöм наградной документъясын аддзöма, мый тöдмөгъясыс абу збыльöсь, кутшöмъяс вöсна тайö мортсö награда сетны вöзйöмыс подулавтöм, Коми Республикаса Юралысь Комиссиялön подулалöм вöзйöм серти лэдзö тайö морт серти Уджывса геройлысь ним сетом йылысь Коми Республикаса Юралысьлысь индöдсö дугöдöм йылысь (Коми Республикаса Юралысьлön индöдö вежсьом пыртöм йылысь) индод.

«Коми Республикаса уджывса герой» морöсывса пассö да Уджывса геройлысь ним сетом йылысь эскöданпассö, кутшöмъясöс сетöма мортлы, код серти лэдзöма награда сетöмсö дугöдöм йылысь Коми Республикаса Юралысьлысь помшүом, колö бөр сетны Комиссияö.

21. «Коми Республикаса уджывса герой» морöсывса пас да (либö) Уджывса геройлысь ним сетом йылысь эскöданпас воштöм дырйи Уджывса геройлысь ним сетом йылысь документъяссö бөр оз лöсьöдны. Та дырйи мортлы, коды сетöма Уджывса геройлысь ним, сылön аслас заявление подув вылын, көнi индöма Уджывса геройлысь ним сетом йылысь документъяс воштан помкаяссö, Комиссияö татшöм заявление воан лунсянь 30 лун чожон Комиссия сетö Комиссияön урчитöм образец серти Уджывса герой ним сетом йылысь справка.

22. Пырджык Уджывса геройлысь нимсö сетöны онас 3-ысь абу унджык мортлы.

23. Уджывса геройлысь нимсö сетöны лöсяна финансöвöй во вылö Коми Республикаса республиканскöй сьöмкудйын индом медшөр могъяс вылö урчитöм сьöм мындаын.

ВЫНСЬӨДӨМА  
Коми Республикаса Юралысьлөн  
2022 во урасьом төлысь 9 лунся 12 №-а Индөдөн  
(3 №-а содтөд)

«Коми Республикаса бать-мам слава» орден  
да «Челядьос бура быдтөмысь» Коми Республикаса медаль сетан  
**ПӨРАДОК ДА УСЛОВИЕЯС**

1. Тайö Пöрадокыс да условиеясыс ладмөдöны «Коми Республикаса бать-мам слава» орден да «Челядьос бура быдтөмысь» Коми Республикаса медаль сетөмкөд йитчөм юалөмьяссö (водзö лөсялөмөн – орден, медаль).

2. Орденсö, медальсö сетöны öтчдысь вонас да сйöс сетöны ода-кора төлысь 15 лунö – Семьялы сиöм лунö.

3. Орденсö, медальсö вöзйö сетны Коми Республикаса олөмö пöртысь власьт орган, кодi збыльмөдö олысьясöс социальнöя дорьян юкöнын канму удж, (водзö – олөмö пöртысь власьт орган) Коми Республикаын муниципальнöй районлөн, муниципальнöй кытшлөн либö кар кытшлөн меставывса асвеськөдлан органлөн ходатайство подув вылын бать-мамлөн (пи (ныв) пыдди босьтысьяслөн) оланiн серти (водзö – награда сетны вöзйысьяс).

4. Йöзлы, кодьяслөн эмöсь вештытөм дисциплинарнöя мыждөмьяс, либö кодьяслөн эм вештытөм либö бырöдтөм судимосьт, либö кодьяс серти панöма уголовнöй делö либö нуөдöны служебнöй прöверка, медальсö, орденсö оз сетны.

5. Йöзлы, кодьяслы вöзйöны сетны орден, медаль, «Коми Республикаса бать-мам слава» орден («Челядьос бура быдтөмысь» Коми Республикаса медаль) сетны вöзьян награднöй листсö оформитö награда сетны вöзйысь «Коми Республикаын наградаяс да ошкөмьяс йылысь» Коми Республикаса Оланпас збыльмөдан мераяс йылысь» Коми Республикаса Юралысьлөн 2022 во урасьом төлысь 9 лунся 12 №-а Индөд дорö 26 №-а содтöдын индөм 2 №-а форма серти (водзö – награднöй лист). Награднöй листсö гижöны печатнöя, сэни оз позь вöчны торксьылөмьяс да веськөдөмьяс.

Награда сетны вöзйысьяс асьныс кывкутöны награднöй листын гижөм төдмөгьяслөн стöчлун да збыльлун вöсна.

6. Награднöй лист дорö содтöны:

1) челядьос чужтөм йылысь эскөдангижөдлысь копияяс, кутшөмөс вынсьөдöма урчитөм пöрадокын;

2) бать-мамлөн (пи (ныв) пыдди босьтысьяслөн) да 14 арöсысь ыджыдджык челядьлөн паспорт лист бокьяслысь копияяс (лист бокьяс, көни гижöма ов, ним, вич, паспорт сетан кадпас, пасьянинлөн инпас), кутшөмьясöс вынсьөдöма урчитөм пöрадокын;

3) öти либö унджык челядьос пи пыдди босьтөм (ныв пыдди босьтөм) дырйи – пи пыдди босьтөм (ныв пыдди босьтөм) йылысь

эскöдангижöдъяслысь копиясь, кутшöмъясöс вынсьöдöма урчитöм пöрадокын;

4) коллегиальной органлөн помшүом, кодöс муниципальной районлөн, муниципальной кытшлөн либö кар кытшлөн Коми Республикаын меставывса асвеськöдлан органөн уполномочитöма примитны орден, медаль бать-мамлы (пи (ныв) пыдди босьтысьлы) сетны вöзйöм йылысь помшүомъяс.

7. Наградной листын лöсялана гижöдөн оформитöны бать-мамлөн (пи (ныв) пыдди босьтысьлөн) оланін серти Коми Республикаса олысьясöс социальная могмöдны уполномочитöм учреждениеөн юрнуöдысьлысь сöгласуйтöмсö.

8. Орден, медаль сетны вöзйöмсö (Коми Республикаса Юралысьлөн ним вылö письмöөн) тайö Пöрадоклөн да условиеяслөн 6 пунктын индöм наградной лист да документъяс содтöмөн (водзö – наградной документъяс) олöмö пöртысь власьт орган сетö Коми Республикаса Юралысьлөн Администрацияö (водзö – Администрация) öнiя волөн рака тöлысь 1 лунысь оз сёрджык.

9. Администрация видлалö наградной документъяссö налөн воан лунсянь 20 лун чöжөн.

10. Наградной документъяс видлалöм бöрын Администрация тайö Пöрадоклөн да условиеяслөн 9 пунктын индöм кадколастö бөр сетö наградной документъяссö олöмö пöртысь органö бөр сетан помкаяссö индöмөн сэк, кор:

1) урчитöма, мый орден, медаль сетны вöзйöм йöзлөн наградной документъясын тöдмөгъясыс абу стöчöсь;

2) кувсьöма орден, медаль сетны вöзйöм мортыс (абу тыр семьяын батылы либö мамлы (пи (ныв) пыдди босьтысьлы) награда сетны вöзйöм дырйи);

3) наградной документъясыс оз лöсявны тайö Пöрадоклөн да условиеяслөн 5-7 пунктъяслөн корöмъяслы;

4) наградной документъяссö сетöма тайö Пöрадоклөн да условиеяслөн 8 пунктын индöм кадколастысь сёрджык;

5) орден, медаль сетны вöзйöм мортлөн эмöсь вештытöм дисциплинарной мыждöмъяс, либö вештытöм либö бырöдтöм судимосьт либö сы серти панöма уголовной делö либö служебной прöверка.

11. Олöмö пöртысь власьт орган вермö выль пöв сетны Администрацияö наградной документъяссö тайö Пöрадоклөн 10 пунктса 1 да 3 пунктувъясын индöм бөр сетан помкаяссö бырöдöм бöрын тайö Пöрадоклөн да условиеяслөн 8 пунктын индöм кадколастысь оз сёрджык.

12. Сэк, кор Администрацияын наградной документъяс видлалан периодö вежсьöны орден, медаль сетны вöзйöм мортлөн биографиякöд йитöм тöдмөгъясыс (мöд чинö индöм, уджысь мездöм, ов вежöм, оланін вежöм, сылөн кувсьöм да мукöдтор), а сiдзжö сэк, кор тайö мортлы индöма дисциплинарной мыждöм либö сы серти панöма уголовной делö либö служебной прöверка, олöмö пöртысь власьт органы да (либö) награда

сетны вöзйысьлы дзик пыр колö гижöмөн юöртны та йылысь Администрациялы (письмö, факсимильнöй юөр да мукöдтор) тайö пунктын индöм лоöмторъяссö эскöдысь документъяс сетöмөн.

13. Сэк, кор тайö Пöрадоклөн да условиеяслөн 10 пунктөн урчитöм награднöй документъяссö бөр сетан помкаясыс абуöсь, награднöй документъяссö Коми Республикаса Юралысьён найöс видлавтöдз видлалö Коми Республикаса наградаяс серти комиссия (водзö – Комиссия) Администрацияö налөн воан лунсянь 45 лун чöжөн Коми Республикаса наградаяс серти комиссия йылысь положениеөн урчитöм пöрадокын, кутшöмöс вынсьöдöма «Коми Республикаса наградаяс серти комиссия да Коми Республикаса Юралысьлысь öткымын индöд вынтöмөн лыддьöм йылысь» Коми Республикаса Юралысьлөн 2019 во тövшөр тöлысь 31 лунся 6 №-а Индöдөн (2 №-а содтöд).

14. Комиссия примитö орден, медаль сетöм йылысь либö награда сикассö вежöм йылысь, кутшöмöс сетны вöзйöма мортöс, либö орден, медаль сетны вöзйöмын öткажитöм йылысь Коми Республикаса Юралысьлы вöзйöм йылысь подулалöм помшуöм. Комиссиялысь тайö пунктын индöм помшуöмъяссö оформитöны Комиссияса заседаниелөн сёрнигижöдөн.

15. Сэк, кор Комиссия примитö орден, медаль сетöм либö награда сикассö вежöм йылысь помшуöм, кутшöмöс сетны вöзйöма мортлы, Комиссияса заседаниелөн сёрнигижöд подув вылын Комиссияса секретар дасьтö лöсялана Коми Республикаса Юралысьлысь индöд бала либö Коми Республикаса Юралысьлысь тшöктöм бала (награда либö ошкöм сикаскöд йитöдын), кутшöмöс Комиссияөн веськöдлысь сетö Коми Республикаса Юралысьлы видлалöм вылö Коми Республикаса Юралысьлөн Уджаланарт серти.

16. Сэк, кор Комиссия примитö орден, медаль сетны вöзйöмын öткажитöм йылысь помшуöм, Администрация татшöм помшуöм примитан лунсянь 14 лун чöжөн гижöмөн юöртö та йылысь олöмö пöртысь власьт органö öткажитан помкаяссö индöмөн да бөр сетö награднöй документъяссö.

17. Орден, медаль сетöм йылысь лэдзöны Коми Республикаса Юралысьлысь индöд, кутшöмöс колö официальнойя публикуйтны.

18. Орденсö, медальсö да на дорö эскöданпассö (водзö – орден, медаль сетöм йылысь документъяс) кыпыда сетö Коми Республикаса Юралысь либö сылөн тшöктöм серти да сылөн нимсянь мöд морт награда сетöм мортлы аслыс Коми Республикаса Юралысьлысь индöд лэдзöмсянь 60 лунысь оз сёрджык.

Сэк, кор орден, медаль сетöм йылысь документъяссö тайö пунктса медводдза абзацын индöм кадколастö сетны позянлуныс абу, йöз, кодьяслы тшöктöма сетны орден, медаль сетöм йылысь документъяссö, тайö пунктса медводдза абзацын индöм кадколаст помасьöм бöрын мунысь лунсянь 10 лун чожөн бөр сетöны найöс Администрацияö помкаяссö индöдöмөн, кутшöмъяс вöсна эз збыльмöдны тшöктöмсö.



19. Орден, медаль сетом йылысь документъяс сетом йылысь лосьодоны Коми Республикаса канму (мукӧд) награда сетом йылысь сёрнигжӧд «Коми Республикаын наградаяс да ошкӧмъяс йылысь» Коми Республикаса Оланпас збыльмӧдан мераяс йылысь» Коми Республикаса Юралысьлӧн 2022 во урасьом тӧлысь 9 лунся 12 №-а Индӧдлӧн 27 №-а содтӧдын индӧм форма серти.

20. Сёрнигжӧдсӧ кырымалӧ орден, медаль сетом йылысь документъяс сетысь морт, сійӧс вынсьодоны печатьӧн да кырымалан лунсянь 7 лун чӧжӧн ыстӧны Администрацияӧ.

21. Сэк, кор орден, медаль сетны мортӧс вӧзйӧм могысь пыртӧм наградной документъясын аддзӧма, мый тӧдмӧгъясыс абу збыльӧс, кутшӧмъяс вӧсна тайӧ мортлы награда сетны вӧзйӧмыс подулавтӧм, Коми Республикаса Юралысь Комиссиялӧн подулалӧм вӧзйӧм серти лэдзӧ тайӧ морт серти орден, медаль сетом йылысь Коми Республикаса Юралысьлысь индӧдсӧ дугӧдӧм йылысь (Коми Республикаса Юралысьлӧн индӧдӧ вежсьӧм пыртӧм йылысь) индӧд.

Орденсӧ, медальсӧ да на дорӧ эскӧданпассӧ, кутшӧмъясӧс сетӧма йӧзлы, кодъяс серти лэдзӧма награда сетӧмсӧ дугӧдӧм йылысь Коми Республикаса Юралысьлысь помшуӧм, колӧ бӧр сетны Комиссияӧ.

22. Орденсӧ, медальсӧ да (либӧ) на дорӧ эскӧданпасьяссӧ воштӧм дырйи орден, медаль сетом йылысь документъяссӧ бӧр оз лосьодны. Та дырйи орден, медаль сетом мортлы, сылӧн аслас заявление подув вылын, кӧнӧ индӧма орден, медаль сетом йылысь документъяс воштан помкаяссӧ, Комиссияӧ татшӧм заявление воан лунсянь 30 лун чӧжӧн Комиссия сетӧ Комиссияӧн урчитӧм образец серти орден, медаль сетом йылысь справка.

23. Пырджык орденсӧ сетӧны онас 3-ысь оз унджык семьялы. Пырджык медальсӧ сетӧны онас 10-ысь оз унджык семьялы.

24. Орденсӧ, медальсӧ сетӧны лӧсяна финансӧвӧй во вылӧ Коми Республикаса республиканскӧй сьӧмкудйын индӧм медшӧр могъяс вылӧ урчитӧм сьӧм мындаын.

ВЫНСЬӨДӨМА  
Коми Республикаса Юралысьлөн  
2022 во урасьом төлысь 9 лунся 12 №-а Индөдөн  
(4 №-а содтөд)

Коми Республикаса почёт нимьяс сетан да  
Коми Республикаса почёт грамота сетан  
**ПӨРАДОК ДА УСЛОВИЕЯС**

1. Тайö Пöрадокыс да условиеясыс ладмөдöны «Коми Республикаса нимйöза артист», «Коми Республикаса нимйöза гижысь», «Коми Республикаса нимйöза кывбуралысь», «Коми Республикаса нимйöза серпасалысь», «Коми Республикаса нимöдана уджалысь» Коми Республикаса почёт нимьяс сетöмкөд да Коми Республикаса почёт грамота сетöмкөд йитчöм юалöмьяссö (водзö – Коми Республикаса канму награда).

2. Коми Республикаын организацияслөн коллективьяс, меставывса асвескөдлан органьяс, Коми Республикаса канму власьт органьяс, Коми Республикаса мукöд канму орган (водзö – награда сетны вöзйысьяс) примитöны Коми Республикаса канму награда сетны вöзйöм йылысь помшүөмсö.

3. Йöзлы, кодьяслөн эмöсь вештытöм дисциплинарнöя мыждöмьяс, либö кодьяслөн эм вештытöм либö бырöдтöм судимосьт, либö кодьяс серти панöма уголовнöй делö либö нуöдöны служебнöй прöверка, Коми Республикаса канму наградасö оз сетны.

4. Йöзлы, кодьяслы вöзйöны сетны Коми Республикаса канму награда, награда сетны (ошкыны) вöзьян награднöй листсö оформитöны награда сетны вöзйысьяс «Коми Республикаын наградаяс да ошкöмьяс йылысь» Коми Республикаса Оланпас збыльмөдан мераяс йылысь» Коми Республикаса Юралысьлөн 2022 во урасьом төлысь 9 лунся 12 №-а Индөд дорö 26 №-а содтöдын индöм 1 №-а форма серти (водзö – награднöй лист). Награднöй листсö гижöны печатнöя, сэнi оз позь вöчны торксьылöмьяс да веськөдöмьяс.

Награднöй листын мортлөн характеристикаын, кодлы вöзйöны сетны Коми Республикаса канму награда, петкөдлöны бөрья 3 воысь абу этшаджык сылысь заслугаяссö, уджö либö службаö сылысь пай пуктöмсö да стöч шедöдöмторьяссö да мукöд тöдмөг, кутшöмьяс сетöны позянлун подулалöмөн доньявны индöм мортлысь Коми Республикаос социальнöя, экономическöя, политическöя да культурнöя сöвмөдан, Айму дорьян да канмулысь видчысянлунсö могмөдан могьяс збыльмөдöмö пай пуктöмсö, мукöд шедöдöмторсö.

Награднöй листын юридическöй кывкутысьлөн (уджалан коллективлөн) характеристикаын, кодлы вöзйöны сетны Коми Республикаса почёт грамота, петкөдлöны тайö юридическöй кывкутысьлөн (уджалан коллективлөн) бөрья 5 воысь удж, уджын либö службаын петкөдласьясöдз воөдчöм, Коми Республика да (либö) Коми Республикаын

муниципальной юкӧн сӧвмӧдӧмӧ пай пуктӧм, а сӧдзжӧ бурвӧчан либӧ йӧзлы тӧдчана мукӧд удж збыльмӧдӧм йылысь тӧдмӧгъяссӧ.

Награда сетны вӧзйысьяс асьныс кывкутӧны наградной листын гижӧм тӧдмӧгъяслӧн стӧчлунысь да збыльлунысь.

5. Организациясса директорьяслӧн сӧветьясӧн веськӧдлысьяслы, юрнуӧдысьяслы, найӧс вежысьяслы, медыджыд экономистьяслы да юралысь бухгалтерьяслы Коми Республикаса канму награда сетны вӧзьян наградной лист дорӧ содтӧны:

1) став тшупӧда сӧмкудйӧ организацияӧн вот мынтӧм йылысь вот органысь справка;

2) справка сы йылысь, мый организациялӧн уджалысьяс водзын удждон мынтӧм серти уджйӧзыс абу;

3) организациялӧн бӧрья 3 воысь финансово-экономической петкӧдласьяслӧн динамика йылысь справка.

6. Наградной листын лӧсялана гижӧдьясӧн оформитӧны Коми Республикаын муниципальной районлӧн, муниципальной кытшлӧн либӧ кар кытшлӧн меставывса администрацияса, Коми Республикалӧн олӧмӧ пӧртысь власьт органа юралысьлысь (юрнуӧдысьлысь) сӧгласуйтӧмъяссӧ мортлӧн, кодӧс вӧзйӧны сетны Коми Республикаса канму награда, удж отрасльлы лӧсялӧм серти.

7. Коми Республикаса канму награда сетны вӧзйӧмсӧ (Коми Республикаса Юралысьлӧн ним вылӧ письмӧӧн) тайӧ Пӧрадоклӧн да условияслӧн 5 пунктын индӧм наградной лист да справкаяс содтӧмӧн (организациясса директорьяслӧн сӧветьясӧн веськӧдлысьяслы, юрнуӧдысьяслы, найӧс вежысьяслы, медыджыд экономистьяслы да юралысь бухгалтерьяслы Коми Республикаса канму награда сетны вӧзйӧгӧн) (водзӧ – наградной документьяс) сетӧны Коми Республикаса Юралысьлӧн Администрацияӧ (водзӧ – Администрация).

8. Наградной документьяссӧ Администрацияӧ сетӧ:

1) Коми Республикаса Каналан Сӧветӧн Веськӧдлысьӧс вежысьяс, Коми Республикаса Каналан Сӧветлӧн комитетьясӧн веськӧдлысьяс да найӧс вежысьяс, Коми Республикалӧн Каналан Сӧветса депутатьяс, Коми Республикаса Каналан Сӧветлӧн Аппаратӧн Юрнуӧдысь, Коми Республикаса видзӧдан-арталан палатаӧн Веськӧдлысь, Коми Республикаын морт инӧдьяс торья дорйысь серти – Коми Республикаса Каналан Сӧветӧн Веськӧдлысь;

2) Коми Республикаса Веськӧдлан котырӧн Юрнуӧдысьӧс вежысьяс серти – Коми Республикаса Веськӧдлан котырӧн Юрнуӧдысь;

3) Коми Республикаса Веськӧдлан котырлӧн кипод улын уджалысь Коми Республикаса олӧмӧ пӧртысь власьт органьясӧн юрнуӧдысьяс серти – Коми Республикаса Веськӧдлан котырӧн Юрнуӧдысьӧс вежысь, кодӧ курируйтӧ лӧсялана уджалан нырвизьсӧ;

4) Коми Республикаса министерствояслӧн ведомствоувса Коми Республикаса олӧмӧ пӧртысь власьт органьясӧн юрнуӧдысьяс серти – Коми Республикаса лӧсялана министерствоӧн юрнуӧдысь;

5) Коми Республикаса бөрйысян комиссияö вына гөлöс инöда пырысьяс, Коми Республикаын бөрйысян мутас комиссиясөн веськöдлысьяс серти – Коми Республикаса бөрйысян комиссияөн веськöдлысь;

6) Коми Республикаын меставывса асвеськöдлан органьясын бөрйöм чиньясын уджалысь йöз серти – Коми Республикаын муниципальной юкöнса лöсялана бөрйöм органөн веськöдлысь;

7) экономикалөн уна сикас отрасльын организациясса юрнуöдысьяс да уджалысьяс серти – Коми Республикаса лöсялана олöмö пöртысь власьт органөн юрнуöдысь сийö отрасль серти, кöни уджалö мортыс, кодлы вöзйöны сетны Коми Республикаса канму награда;

8) муниципальной служащöйяс, öтйöза öтувьясөн юрнуöдысьяс, ашöр уджалан (öтйöза) удж збыльмöдысь йöз, суйöрсайса граждана серти – Коми Республикаын лöсялана муниципальной юкöнса юралысь;

9) Коми Республикаса канму гражданской служащöйяс серти, тайö пунктса 4 пунктулын индöм йöз кындзи, Коми Республика мутасын меститчысь Коми Республикалөн канму органьясса уджалысьяс серти – Коми Республикаса лöсялана канму органөн юрнуöдысь.

Награда сетны вöзйысь ачыс ыстö Администрацияö тайö пунктса 1 – 9 пунктувьясын индытöм йöз серти награднöй документьяссö.

9. Администрация видлалö награднöй документьяссö налөн воан лунсянь 30 лун чöжөн.

10. Награднöй документьяс видлалöм бöрын Администрация тайö Пöрадоклөн да условиеяслөн 9 пунктын индöм кадколастö бөр сетö награднöй документьяссö тайö Пöрадоклөн да условиеяслөн 8 пунктса 1 – 9 пунктувьясын индöм чина мортлы (водзö – чина морт), кодi сетöма награднöй документьяссö, бөр сетан помкаяссö индöмөн сэк, кор:

1) урчитöма, мый Коми Республикаса канму награда сетны вöзйöм йöзлөн награднöй документьясын тöдмөгьясыс абу стöчöсь;

2) кувсьöма Коми Республикаса канму награда сетны вöзйöм мортыс;

3) награднöй документьясыс оз лöсявны тайö Пöрадоклөн да условиеяслөн 4-8 пунктьяслөн корöмьяслы;

4) Коми Республикаса канму награда сетны вöзйöм мортлөн эмöсь вештытöм дисциплинарнöя мыждöмьяс, либö вештытöм либö бырöдтöм судимосьт либö сы серти панöма уголовнöй делö либö служебнöй прöверка.

11. Награда сетны вöзйысь, награднöй документьяссö сетысь чина морт вермö выль пöв сетны Администрацияö награднöй документьяссö тайö Пöрадоклөн да условиеяслөн 10 пунктса 1 да 3 пунктувьясын индöм бөр сетан помкаяссö бырöдöм бöрын.

12. Сэк, кор Администрацияын награднöй документьяс видлалан периодö вежсьöны Коми Республикаса канму награда сетны вöзйöм мортлөн биографиякöд йитчöм тöдмөгьясыс (мöд чинö индöм, уджысь мездöм, ов вежöм, оланiн вежöм, сылөн кувсьöм да мукöдтор), а сiдзжö сэк, кор тайö мортлы индöма дисциплинарнöя мыждöм либö сы серти

панöма уголовной делö либö служебной прöверка, награда сетны вöзйысьлы, наградной документьяссö сетысь чина мортлы дзик пыр колö гижöмөн юөртны та йылысь Администрацияö (письмö, факсимильной юөр да мукöдтор) тайö пунктын индöм лоөмторьяссö эскöдысь документьяс сетöмөн.

13. Сэк, кор тайö Пöрадоклөн да условиеяслөн 10 пунктөн урчитöм наградной документьяссö бөр сетан помкаясыс абуöсь, наградной документьяссö Коми Республикаса Юралысьён найöс видлавтöдз видлалö Коми Республикаса наградаяс серти комиссия (водзö – Комиссия) Администрацияö налөн воан лунсянь 60 лун чöжөн Коми Республикаса наградаяс серти комиссия йылысь положениеөн урчитöм пöрадокын, кутшöмöс вынсьöдöма «Коми Республикаса наградаяс серти комиссия да Коми Республикаса Юралысьлысь öткымын индöд вынтöмөн лыддьöм йылысь» Коми Республикаса Юралысьлөн 2019 во тövшөр тöлысь 31 лунся 6 №-а Индöдөн (2 №-а содтöд).

14. Комиссия примитö Коми Республикаса канму награда сетöм йылысь либö награда сикассö вежöм йылысь, кутшöмöс сетны вöзйöма мортлы, либö Коми Республикаса канму награда сетны вöзйöмын öткажитöм йылысь Коми Республикаса Юралысьлы вöзйöм йылысь подулалöм помшуöм. Комиссиялысь тайö пунктын индöм помшуöмьяссö оформитöны Комиссияса заседаниелөн сёрнигижöдөн.

15. Сэк, кор Комиссия примитöма Коми Республикаса канму награда сетöм либö награда сикассö вежöм йылысь помшуöм, кутшöмöс вöзйöма сетны мортлы, Комиссияса заседаниелөн сёрнигижöд подув вылын Комиссияса секретар дасьтö лöсялана Коми Республикаса Юралысьлысь индöд бала либö Коми Республикаса Юралысьлысь тшöктöм бала (награда либö ошкöм сикаскöд йитöдын), кутшöмöс Комиссияөн веськöдлысь сетö Коми Республикаса Юралысьлы видлалöм вылö Коми Республикаса Юралысьлөн Уджаланарт серти.

16. Сэк, кор Комиссия примитöма Коми Республикаса канму награда сетны вöзйöмын öткажитöм йылысь помшуöм, Администрация татшöм помшуöм примитан лунсянь 14 лун чöжөн гижöмөн юөртö та йылысь награда сетны вöзйысьлы, наградной документьяс сетысь чина мортлы öткажитан помкаяссö индöмөн да бөр сетö наградной документьяссö.

17. Мортöс, код серти Комиссия примитöма Коми Республикаса канму награда сетны вöзйöмын öткажитöм йылысь помшуöм, Коми Республикаса канму награда позьö сетны вöзйыны выль пöv индöм помшуöм примитан лунсянь воысь оз водзджык.

18. Коми Республикаса канму наградаяс сетöм йылысь лэдзöны Коми Республикаса Юралысьлысь индöд, кутшöмöс колö официальнойя публикуйтны.

19. Коми Республикаса канму наградасö кыпыда сетö Коми Республикаса Юралысь либö сылөн тшöктöм серти да сылөн нимсянь мöд морт награда сетöм мортлы аслыс Коми Республикаса Юралысьлысь индöд лэдзöмсянь 60 лунысь оз сёрджык.

Юридическӧй кывкутысьлы (уджалысьяслы) Коми Республикаса почёт грамота сетӧм дырйи индӧм наградасӧ сетӧны юридическӧй кывкутысьсӧс (уджалысьясӧс) петкӧдлысьяслы.

Сэк, кор Коми Республикаса канму награда тайӧ пунктса медводдза абзацын индӧм кадколастӧ сетны позянлуныс абу, йӧз, кодъяслы тшӧктӧма сетны Коми Республикаса канму награда, тайӧ пунктса медводдза абзацын индӧм кадколаст помасьӧм бӧрын мунысь лунсянь 10 лун чӧжӧн бӧр сетӧны найӧс Администрацияӧ помкаяссӧ индӧдӧмӧн, кутшӧмъяс вӧсна эз збыльмӧдны тшӧктӧмсӧ.

20. Коми Республикаса канму награда сетӧм йылысь лӧсьӧдӧны Коми Республикаса канму (мукӧд) награда сетӧм йылысь сёрнигижӧд «Коми Республикаын наградаяс да ошкӧмъяс йылысь» Коми Республикаса Оланпас збыльмӧдан мераяс йылысь» Коми Республикаса Юралысьлӧн 2022 во урасьӧм тӧлысь 9 лунся 12 №-а Индӧдлӧн 27 №-а содтӧдын индӧм форма серти.

Сёрнигижӧдсӧ кырымалӧ Коми Республикаса канму награда сетысь морт, сийӧс вынсьӧдӧны печатьӧн да кырымалан лунсянь 7 лун чӧжӧн ыстӧны Администрацияӧ.

21. Сэк, кор юридическӧй кывкутысьлы (уджалысьяслы) Коми Республикаса канму награда сетны вӧзйӧм могысь сетӧм награднӧй документъясын аддзӧма, мый тӧдмӧгъясыс абу збыльӧсь, кутшӧмъяс вӧсна тайӧ мортлы, юридическӧй кывкутысьлы (уджалысьяслы) Коми Республикаса канму награда сетны вӧзйӧмыс подулавтӧм, Коми Республикаса Юралысь Комиссиялӧн подулалӧм вӧзйӧм серти лэдзӧ тайӧ морт, юридическӧй кывкутысь (уджалысьяс) серти Коми Республикаса канму награда сетӧм йылысь Коми Республикаса Юралысьлысь индӧдсӧ дугӧдӧм йылысь (Коми Республикаса Юралысьлӧн индӧдӧ вежсьӧм пыртӧм йылысь) индӧд.

Коми Республикаса канму наградасӧ, кутшӧмӧс сетӧма мортлы, юридическӧй кывкутысьлы (уджалысьяслы), кодъяс серти лэдзӧма награда сетӧмсӧ дугӧдӧм йылысь Коми Республикаса Юралысьлысь помшуйӧм, колӧ бӧр сетны Комиссияӧ.

22. «Коми Республикаса нимӧдана уджалысь» морӧсвывса пас, «Коми Республика водзын торъя заслугаясысь» морӧсвывса пас да (либӧ) Коми Республикаса почёт ним сетӧм йылысь эскӧданпас, а сідзжӧ Коми Республикаса почёт грамоталысь бланоксӧ воштӧм дырйи Коми Республикаса индӧм канму наградаяссӧ да на дорӧ документъяссӧ бӧр оз лӧсьӧдны. Та дырйи Коми Республикаса канму награда сетӧм мортлы, юридическӧй кывкутысьлы (уджалысьяслы) мортлӧн аслас заявление (юридическӧй кывкутысьлӧн юрнуӧдысьлӧн заявление) подув вылын, кӧнӧ индӧма Коми Республикаса канму награда да сы дорӧ документъяс воштан помкаяссӧ, Комиссияӧ татшӧм заявление воан лунсянь 30 лун чӧжӧн Комиссия сетӧ Комиссияӧн урчитӧм образец серти Коми Республикаса канму награда сетӧм йылысь справка.

23. Коми Республикаса канму наградасö сетöны лöсяна финансöвöй во вылö Коми Республикаса республиканскöй сьöмкудйын индöм медшöр могъяс вылö урчитöм сьöм мындаын.

ВЫНСЬӨДӨМА  
Коми Республикаса Юралысьлөн  
2022 во урасьом тöлысь 9 лунся 12 №-а Индöдөн  
(5 №-а содтöд)

Коми Республикаса нимьяс сетан,  
Коми Республикаса отличие пасьяс,  
«Коми Республикалөн лача» Коми Республикаса пас сетан  
**ПÖРАДОК ДА УСЛОВИЕЯС**

1. Тайö Пöрадокыс да условиясыс ладмöдöны Коми Республикаса нимьяс сетöмкöд, кутшöмьясöс индöма «Коми Республикаын наградаяс да ошкöмьяс йылысь» Коми Республикаса Оланпаслөн 4 статьяса 1 пунктын, «Коми Республика водзын заслугаясысь», «Коми Республикалы зэв бура служитöмысь», «Уджын повтöмлун», «Добровольчество сöвмöдöмö пай пуктöмысь» отличие пасьяс, «Коми Республикалөн лача» Коми Республикаса пас сетöмкöд йитчöм юалöмьяссö (водзö – Коми Республикалөн мöд награда).

2. «Коми Республикаын наградаяс да ошкöмьяс йылысь» Коми Республикаса Оланпаслөн 4 статьяса 1 пунктын индöм нимьяссö сетöны йöзлы, сы лыдын пенсия вылö петöмаяслы, кодьяс кывкутöмөн уджалысны лöсялана удж юкöнын 15 воысь эз этшаджык либö кодьяс пуктисны ыджыд пай Коми Республикаын лöсялана удж юкөнъяс сöвмöдöмö:

1) «Коми Республикаса почёта архитектор» – уджсикас серти архитекторьяслы Коми Республика мутасын öнйя технологиясөн вöдитчöмөн архитектура комплексьяс, зданиеяс да сооружениеяс проектируйтöмын да кыпöдöмын, культура памятникьяс воддза выйöдз вайöдöм, архитектура да зодчество юкöнын квалифицируйтöм кадрьяс велöдöмын да дасьтöмын аслас заслугаясысь;

2) «Коми Республикаса почёта врач» – уджсикас серти уджалысь врачьяслы бурдöдан да бурдöдан-профилактической отсöг колана кадö сетöмын, висьöмьяссö тöдмалан да наысь бурдöдан выль методикаяс пыртöмын да вöдитчан методикаяс бурмöдöмын, кутшöмьяс сетöны позянлун чинтыны Коми Республикаса олысьяслысь висян да кувсян тшупöдсö, вылыс тшупöда уджсикас практической бурдöдан уджкöд медицина юкöнын окталуна котыртан да наука уджсö бура öтувтöмын, медицина организацияслы квалифицируйтöм кадрьяс велöдöмын да дасьтöмын аслас заслугаясысь;

3) «Коми Республикаса почёта геолог» – геология организациясын да наука учреждениесын уджсикас серти уджалысьяслы мупытшкöсса озырлун корсян-туялан производство сöвмöдöмын, минерально-сырьевой база бурмöдöмын да мупытшкöсса озырлун корсян-туялан уджын нырвизьяссö наука боксянь подулалöмын, Коми Республика мутасын мупытшкöсса озырлунлысь куйлöдьяс корсьöмын, востöмын да туялöмын, Коми Республика мутасын мупытшкöсса озырлун корсян-



туялан удж нуодомын да мупытшкөсса озырлун перйомын экология боксянь сөстөм технологияс дасьтомын да пыртөмын, мупытшкөсса озырлун корсян-туялан отрасльлы квалифицируйтөм кадрьяс велөдөмын да дасьтомын аслас заслугаясысь;

4) «Коми Республикаса искусствоын почёта уджалысь» – уджсикас серти уджалысь архитекторьяслы, балетмейстерьяслы, дизайнерьяслы, драматургьяслы, искусство туялысьяслы, композиторьяслы, режиссёрьяслы, хормейстерьяслы, серпасалысьяслы, творческой мастерскойясын уджалысьяслы да искусствоын мукөд уджалысьлы вылыс художествоа образьяс, спектакляс, кино- да телефильмяс, концертной, цирковой уджтасьяс, шылада, телевизионной да радиопроизведенияс, живопись, скульптура, графика да монументальной искусство лөсьөдөмын, кутшөмясөс бура төдөны йөзкотырын, коми художествоа культура да искусство туялөмын, видзөмын, сөвмөдөмын да йөзөс сыөн паськыда төдмөдөмын, Коми Республика мутасын да сылөн суйөр сайын йөзлы төдчана концертьяс, спектакляс, выставкаяс да мукөд культура мероприятие котыртөмө да нуөдөмө зия пырөдчөмын, кутшөмяс йитчөмаось быдмысь войтырлысь лов сөвмөдөмкөд, коми культураөн йөзөс паськыда төдмөдөмын, творческой кадрьяс велөдөмын да дасьтомын аслас заслугаясысь;

5) «Коми Республикаса наукаын почёта уджалысь» – учёнойяслы наукаын да техникаын уна сикас нырвизь дасьтомын, научной разработкаяс да производствоын налысь бөртасьяссө бура пыртөмын да наөн вөдитчөмын, Коми Республикаса да Россия Федерацияса вылыс тшупода велөдан организациясын наука-туялан удж сөвмөдөмын да нуөдөмын студентьясөс, аспирантьясөс да том учёнойясөс уджавны корөмөн, наука юкөнын квалифицируйтөм кадрьяс велөдөмын да дасьтомын заслугаясысь;

6) «Коми Республикаса почёта журналист» – йөзөс юөртан средствоясса журналистьяслы да редакторьяслы гражданалысь социальной кывкутөм да зумыд гражданской видзөдлас артмөдөмын, Коми Республикаса да Россия Федерацияса өтйөза, политической, культурной оломын лөөмторьясөн объективной төдмөдөмын, Коми Республика олысьясөс вежавидзөмөн овны велөдан да налысь лов сөвмөдан донаторьяс видзөмын да сөвмөдөмын, журналистикаын авторской стиль лөсьөдөмын, журналистика юкөнын квалифицируйтөм кадрьяс велөдөмын да дасьтомын аслас заслугаясысь;

7) «Коми Республикаса почёта лесовод» – вөр овмөс организациясын, сы лыдын лесхозьясын, леспромхозьясын, вөр комбинатьясын, вөрса да вотөс вайысь пуяс быдтысь питомникьясын, вөр овмөс котыртан да нуөдан да вөр овмөс мукөд организацияын уджсикас серти уджалысь специалистьяслы, вөр видзан органьясын да организациясын уджалысьяслы Коми Республика мутасын вөр овмөс сөвмөдөмын, вөр озырлун видзөмын да рөдмөдөмын, Коми Республика мутасын быдмөгьяс, пемөсьясөс видзөмын да экологияын сьөкыд

мытшодьяс разьомын, вөр вөдитан да вөр-ва видзан отрасльлы квалифицуйтөм кадрьяс велөдөмын да дасьтөмын заслугаясысь;

8) «Коми Республикаса почёта көр видзысь» – видз-му овмөсын уджсикас серти уджалысьяслы, сы лыдын крестьяна, фермер овмөсьясын уджалысьяслы, видз-му овмөс производство котыртысьяслы Коми Республика мутасын көр юр лыдсө содтөмын, көр видзан бур ногтуя прöдукция канмулы да олысьяслы вузалөмын, көр видзан овмөсьяслы квалифицуйтөм кадрьяс велөдөмын да дасьтөмын заслугаясысь;

9) «Коми Республикаса горноруднöй промышленностьын почёта уджалысь» – из шом, көрт шом промышленность организациясын уджсикас серти уджалысьяслы удж вөчөмын ыджыд петкөдласьясөдз воөдчөмын, наукаын выль шедөдөмторьясөн вөдитчөмөн из шом перьян да мупытшкөсса озырлун перьян объектьяс стрөитан водзö сөвмысь технологияяс пыртөмын, мупытшкөсса озырлун перьян промышленностьлы квалифицуйтөм кадрьяс велөдөмын да дасьтөмын аслас заслугаясысь;

10) «Коми Республикаса туй отрасльын почёта уджалысь» – туй отрасльын уджсикас серти уджалысьяслы транспорт йитөд котыртөмсö бурмөдөмын, выль туй йитөдьяс стрөитөмын да уджалан транспорт система выльмөдөмын, туй стрөитан зэв бур ногтуя материальяс öнiя производство котыртөмын, туй отрасльса организацияслы квалифицуйтөм кадрьяс велөдөмын да дасьтөмын аслас заслугаясысь;

11) «Коми Республикаса оланiн да коммунальнöй овмөсын почёта уджалысь» – оланiн да коммунальнöй овмөсса организациясын уджсикас серти уджалысьяслы Коми Республикаса олысьяслы оланiн уджөдөмын бур да öнiя услугаяс ас кадö сетөмын, коммунальнöй овмөслысь зумыда да бура уджалөмсö, ва весалөмсö да ваөн могмөдөмсö, шоныд сетан службасö, оланiн фонд биөн могмөдөмсö да сiйöс видзөмсö котыртөмын, Коми Республикаса оланiн да коммунальнöй овмөсын удж механизируйтан тшупөдсö кыпөдөмын да сетан услугаыслысь окталунсö, ногтуйсö да экологичностьсö кыпөдөмын отсалан автоматизируйтөм öнiя системаясөн вөдитчөмын, вөр-ва видзан мероприятиеяс нуөдөмын, Коми Республикаса олысьяслысь, налөн оланiнъяслысь да уджаланiнъяслысь экология боксянь видчысян шөр нырвизьяс збыльмөдөмын, виччысьтөмторьяслысь колясьяссö бырөдөмын, оланiн да коммунальнöй овмөслы квалифицуйтөм кадрьяс велөдөмын да дасьтөмын заслугаясысь;

12) «Коми Республикаса йöзлысь дзоньвидзалун видзан юкöнын почёта уджалысь» – клинической, бурдөдан да профилактической, санитарно-профилактической, санаторно-курортнöй, инженерно-технической, научнöй, фармацевтической и мукөд медицина организациясын уджсикас серти уджалысьяслы медицина боксянь зэв бура могмөдөмсö да медицина услугаяс сетөмсö котыртөмын, мый сетö позялун ёна кыпөдны Коми Республикаса олысьясöс висьöмьясысь бурдөдан, висьöмьяссö төдмалан да наысь öлөдан ногтуйсö да чинтыны олысьяслысь кувсян тшупөдсö, регыдя медицина отсөг öдийö сетөм серти

зэв бур услугаяс сетöмын, а сідзжö пациентъясöс зэв бура стационарнöя дözьöритöмын, йöзлы тöдчана висьöмъясысь öлöдан да йöзлөн дзоньвидзалун вылö лёка тöдчысь привычкаяс бырöдан мераяс бура збыльмöдöмын, республиканскöй медицина учреждениясын вылыс технологияя öнiя медицина оборудование пыртöмын, мый сетö позянлун ас кадö диагностируйтны да бурдöдны висьöмъясысь налөн водз сöвман стадияяс вылын, медицина организациясылы квалифицируйтöм кадръяс велöдöмын да дасьтöмын аслас заслугаясысь;

13) «Коми Республикаса культураын почёта уджалысь» – культура, искусство, велöдан, полиграфия, печать, кинематография, радио да телевидение юкöнын уджалысь организациясын уджсикас серти уджалысьясылы, а сідзжö самодетельнöй творчествоö пырöдчысьясылы да йöзлы, кодъяс пырöдчöны культура да искусство организацияслөн уджö дон босьттöг, Коми Республикаса да Россия Федерацияса культура сöвмöдöмын да паськöдöмын, уна сикас войтырлысь культура да история озырлунсö видзöмын, Коми Республикаса уна сикас войтырлысь культура да история озырлунсö видзан да содтан комплекснöй мераяс дасьтöмын да примитöмын, Коми Республикаса да Россия Федерацияса архив фондсы документаяс видзан, на серти канму учёт нуöдан, найöс чукöртан да наөн вöдитчан уджын, культура да искусство юкөнса организациясылы квалифицируйтöм кадръяс велöдöмын да дасьтöмын заслугаясысь;

14) «Коми Республикаса кокни промышленностьын почёта уджалысь» – текстильнöй да кокни промышленностьын уджсикас серти уджалысьясылы производственнöй могъяс бура збыльмöдöмын, выль сикас прöдукция дасьтöмын да уджö пыртöмын, уджаланног бурмöдан да выльпыртан уджъяс збыльмöдöмын, кутшöмъяс отсалöны кыпöдны уджалан öдсö, а сідзжö энергия видзöмсö ёна чинтöмөн, уджалан öдсö да вөр-ва видзан тшупöдсö кыпöдöмөн зэв бура уджавны производстволы, Коми Республика мутасын вылыс технологияя öнiя оборудованиеөн вöдитчöмөн текстильнöй да кокни промышленностьлөн бур ногтуя, экология боксянь сöстöм прöдукциялысь выль производство лöсьöдöмын, текстильнöй да кокни промышленностьлы квалифицируйтöм кадръяс велöдöмын да дасьтöмын аслас заслугаясысь;

15) «Коми Республикаса вөр промышленностьын почёта уджалысь» – вөр, целлюлозно-бумажнöй да пу обработайтан промышленностьын уджсикас серти уджалысьясылы Коми Республикаса вөр, целлюлозно-бумажнöй да пу обработайтан промышленность вылыс технологияя öнiя оборудованиеөн вöдитчöмөн сöвмöдöмын, мый сетö позянлун кыпöдны уджалан окталунсö, ёна чинтыны энергия видзöмсö да кыпöдны уджалан öдсö, уджаланног бурмöдан да выльпыртан уджъяс збыльмöдöмын, мый отсалö ёна кыпöдны вöчан прöдукциялысь ногтуйсö, а сідзжö чинтыны вөр лэдзöмысь да пу обработайтöмысь шыбласъяссö, вөр, целлюлозно-бумажнöй да пу обработайтан промышленностьлы квалифицируйтöм кадръяс велöдöмын да дасьтöмын заслугаясысь;

16) «Коми Республикаса мусир да биару промышленностьын почёта уджалысь» – мусир да биару промышленность организациясын, сы лыдын наука-туялан, технологическӧй да проектно-конструкторскӧй организациясын, уджсикас серти уджалысь рабочӧйяслы, мастерьяслы, инженерно-техническӧй, наука да научно-педагогическӧй уджалысьяслы мусир да биару куйлӧдьяс аддзӧмын, бура туялӧмын да уджӧдӧмын, научно-техническӧй да экологическӧй уджтасьяс дасьтӧмын да збыльмӧдӧмын, мусир да биару проводьяс, мусир да биару перьян скважинаяс да платформаяс стрӧйтӧмын, ӧньяӧдӧмын да уджӧдӧмын вылыс технология ӧнӧя оборудованиеӧн вӧдитчӧмӧн, мый сетӧ позянлун кыпӧдны мусир да биару тыра куйлӧдьяс туялан окталунсӧ, могмӧдны мусир да биару дугдывтӧг нуӧм-вайӧмсӧ, ӧна чинтыны энергия видзӧмсӧ да кыпӧдны уджалан ӧдсӧ, мусир да биару промышленностьлы квалифицуйтӧм кадрьяс велӧдӧмын да дасьтӧмын аслас заслугаясысь;

17) «Коми Республикаса велӧдан юкӧнын почёта уджалысь» – велӧдан системаса педагогика уджалысьяслы да мукӧд уджалысьяслы педагогика уджын, наукаын да культураын ӧнӧя шедӧдӧмторьяскӧд йитӧдын велӧдан да быдтан-велӧдан уджьяссӧ котыртӧмын да бурмӧдӧмын тӧдчана вермӧмьясысь, мортӧс интеллектуальнӧя, культурнӧя да нравственнӧя сӧвмӧдӧмысь, велӧдан уджсӧ выль велӧдан технологияс, велӧдан уджсӧ котыртан выль формаяс да методьяс пыртӧмысь, кутшӧмьяс могмӧдӧны велӧдчысьяслысь велӧдчан, физкультурнӧй, спортивнӧй, ӧтйӧза, научнӧй, научно-техническӧй, творческӧй, экспериментальнӧй да выльпыртан уджын вермӧмьяссӧ, велӧдчан да методика материальяс дасьтӧмын вермӧмьясысь, челядьӧс велӧдӧмын да быдтӧм-велӧдӧмын пыр да зӧля отсӧг сетӧмысь, велӧдан организацияслысь материально-техническӧй база сӧвмӧдысь, педагогическӧй и научно-педагогическӧй кадрьяс дасьтӧмысь;

18) «Коми Республикаса пӧжарысь видзан охранаын почёта уджалысь» – пӧжарысь видзан охранаӧн веськӧдланінса, юкӧдувьясса, организациясса да ӧтйӧза ӧтувьясса уджалысьяслы, кутшӧмьяс колӧны сы могысь, медым котыртны пӧжарьясысь ӧлӧдӧмсӧ да найӧс кусӧдӧмсӧ да нуӧдны аварияысь мездан налы индӧм уджьяссӧ, пӧжарысь видзчысянлунсӧ ӧнмӧдӧмын заслугаясысь да Коми Республикаса олан пунктьясын да объектьясын пӧжарысь видзчысянлунсӧ могмӧдӧм серти ӧлӧдан уджьяс зӧля нуӧдӧмысь, пӧжарьяс бура кусӧдӧгӧн да найӧс ас кадӧ бырӧдӧгӧн, налысь бӧртасьяс бырӧдӧгӧн воӧдчӧм бӧртасьясысь, да та дырйи смела да повтӧг уджалӧмысь, пӧжарысь видзчысян система лӧсьӧдӧм вылӧ веськӧдӧм наука разработкаясысь, пӧжарысь видзан охраналӧн могьяс вылӧ квалифицуйтӧм кадрьяс велӧдӧмысь да дасьтӧмысь;

19) «Коми Республикаса связь да юӧр юкӧнын почёта уджалысь» – связь, йӧзӧс юӧртан средствоясын да юӧртан технологиясын уджсикас серти уджалысьяслы ӧнӧя связь средствояс, юӧр примитан да сетан средствояс сӧвмӧдӧмын да бурмӧдӧмын, ӧнӧя юӧртан средствояс да

инженерной решению совмодомын да пыртөмын, кутшомьясон водитчоны юор сетан средствояс лосьодомын да паськодомын; юор боксянь видзчысянлун кыпөдомын; вылыс окталуна выль коммуникация техникаон да связь сикасьяс дасьтөмын да пыртөмын, кутшомьяс сетоны позянлун сетны потребительлы уна телекоммуникационной услуга; олысьясос да организациясьос телекоммуникационной могмодан ногтуйсо бурмөдомын, Коми Республикаса олысьясос да организациясьос олөмлөн став юкөнын ас кадө сетан да объективной юөрөн могмөдомын, связь, юортан технологияс да юор сетомсө совмодан юкөнъясын уджалысь организацияслы квалифицируйтөм кадрьяс велөдомын да дасьтөмын аслас заслугаясысь;

20) «Коми Республикаса видз-му овмөсын почөта уджалысь» – Коми Республикаса агропромышленной комплексын уджсикас серти уджалысьяслы, сы лыдын крестьяна, фермер овмөсьясын, наука-туялан учреждениясын уджалысьяслы, урожай ыжда кыпөдомын да видз-му овмөс культура чукөртөмын, му вынсө, скөтлысь да пөткалысь продуктивносьтсө кыпөдомын, уджаланног бурмөдан да выльпыртан удж збыльмөдомын, мый отсалө энергия видзөмсө ёна чинтөмөн, уджалан өд да вөр-ва видзан тшупөдсө кыпөдомөн производстволы зэв бура уджавны, ас кадө өлөдан мераяс примитөмын, кутшомьясөс веськодөма быдмөгьяс, вотос вайысь пуяс, пемөсьяс да пөткаяс пөвстын ёна паныдасьлысь висьомьяс бырөдом вылө да вөчан прөдукциялысь лыд да ногтуй серти петкөдласьяссө кыпөдом вылө, научно-практической туяломьяс нуөдомын, кутшомьяслөн бөртасьясыс сетоны позянлун ёна кыпөдны Коми Республикаса агропромышленной комплекслысь производительносьтсө, агропромышленной комплекслы квалифицируйтөм кадрьяс велөдомын да дасьтөмын аслас заслугаясысь;

21) «Коми Республикаса олысьясос социальной дорьян юкөнын почөта уджалысь» – социальной дорьян органьясын да учреждениясын уджсикас серти уджалысьяслы гражданы ас кадө да дугдывтөг социальной отсөг сетомсө котыртөмын, а сіджө найос пенсияон могмөдомсө котыртөмын, мыччөдьяслысь база пыр выльмөдомын, кытчө пыртөма йөз йылысь юор, кодьяслы колө сетны канмусянь социальной отсөг, юор сетан өня технологияс дасьтөмын да пыртөмын, кутшомьяс сетоны позянлун ёна кокньөдны социальной отсөг босьтөм вылө колана документьяс оформитөмсө да өдйөджык сетны сийос олысьяслы, пациентьясөс зэв бура стационарной дөзьөритөмын, челядьлысь инөдьяссө дорйөмын, найос социальной адаптируйтөмын да йөзлы буртор ваян уджө корөмын отсөг сетөмын, организациясын уджалысьяслысь инөдьяссө дорйөмын да уджалан инөд да удж видзөм серти нормаясө кутчысян мероприятияяс нуөдомын, Коми Республикаса олысьясос социальной дорьян органьяслы да учрежденияслы квалифицируйтөм кадрьяс велөдомын да дасьтөмын аслас заслугаясысь;

22) «Коми Республикаса вузаян юкөнын почөта уджалысь» – вузаян, вердан да услугаыс сетан юкөнын эмбур сикасьяс серти

учреждениясын да организациясын уджикас серти уджалысьяслы вузасянінъяс сөвмөдөмын, вузасян формаяс да методьяс бурмөдөмын, олысьясөс вузөсөн могмөдан бур культурасө могмөдөмын, вузасян, вердан да услугаяс сетан организацияслы квалифицируйтөм кадрьяс велөдөмын да дасьтөмын заслугаясысь;

23) «Коми Республикаса транспорт юкөнын почёта уджалысь» – көрт туй, сынөд, ва, автомашина да мукөд сикас транспортын уджикас серти уджалысьяслы Коми Республика мутасын өнiя транспорт система сөвмөдөмын, мый сетө позянлун кыпөдны транспорт услугаыслысь ногтуйсө, Коми Республика мутасын ветлөдлөм да гөгөртас видзөм серти видзчысянлунсө могмөдөмын, выль йитчан туйяс стрөитөмын да уджалысь транспорт инфраструктура выльмөдөмын, транспорт комплекслы квалифицируйтөм кадрьяс велөдөмын да дасьтөмын заслугаясысь;

24) «Коми Республикаса вынйөр сөвмөдан юкөнын почёта уджалысь» – физкультурной өтмунөм котыртысьяслы, учёнойяслы да тренерьяслы, велөдысьяслы, преподавательяслы, спорт организациясын уджалысьяслы физической культураө да спортө олысьясөс кыскөмысь, вынйөр сөвмөдөм, спорт да дзоньвидза оласногө кутчысьөмсө йөз пөвстын паськөдөмын, торья спорт школаясын челядьлы да томуловлы спорт да медвылыс вермөмьяса спорт сөвмөдөмын вынйөр сөвмөдан да спорт юкөнын уджалысь организацияслы квалифицируйтөм кадрьяс велөдөмын да дасьтөмын аслас заслугаясысь;

25) «Коми Республикаса почёта стрөитчысь» – стрөитчан, производственной, конструкторской да наука- туялан организациясын, а сіджө стрөитчан материальяс серти промышленностьса организациясын инженерно-технической уджалысьяслы да стрөитчан специальностьта рабочейяслы зэв бур ногтуя зданиеяс да сооружениеяс стрөитөмын, выль стрөитан технологияяс да материальяс дасьтөмын, пыртөмын да наөн вөдитчөмын, зэв бур ногтуя социальной оланін стрөитөм да важ оланін фонд выльмөдөм серти ыджыд проектяс збыльмөдөмын, стрөитчан промышленностьлы да стрөитчан материальяс серти промышленностьлы квалифицируйтөм кадрьяс велөдөмын да дасьтөмын аслас заслугаясысь;

26) «Коми Республикаса почёта тренер» – тренерьяслы торья спорт школаясын, спорт школаясын, содтөд төдөмлун сетан мукөд учреждениеын да вынйөр сөвмөдан да спорт нырвизя өтйөза организациясын челядьлы да томуловлы спорт да медвылыс вермөмьяса спорт сөвмөдөмын, Коми Республикаса уна сикас спорт сикасыяс серти спортивной сборной командаясөс дасьтөмын, вынйөр сөвмөдан да спорт юкөнын уджалысь организацияслы квалифицируйтөм кадрьяс велөдөмын да дасьтөмын аслас заслугаясысь;

27) «Коми Республикаса почёта велөдысь» – общеобразовательной да уджикасө велөдан организациясса велөдысьяслы да преподавательяслы педагогика уджын, мый сетө позянлун велөдчысьяслы босьтны бур ногтуя өтувья төдөмлун, уджикасын шөр тшупөда төдөмлун, дінмуса, ставроссияса да войтыркостса олимпиадаясын вермысьясөс да

призёръясöс дасьтöмын, велöдан уджсö наука да методика да методология боксянь бурмöдöмын, выльпыртан велöдан да методика пособиес, уджтасьяс да авторскöй методикаяс лöсьöдöмын заслугаясысь;

28) «Коми Республикаса почёта шахтёр» – из шом промышленностьса организациясын уджсикас серти рабочöйяслы, мастерьяслы, инженерно-техническöй да наука уджалысьяслы из шом перьян, бурмöдан производствоясын уджалан öд серти, уджьяс нуöдигөн вөр-ва видзан да видзчысянлун тшупöд серти ыджыд петкöдласьясöдз воöдчöмын, уджаланног бурмöдан да выльпыртан удж збыльмöдöмын, мый отсалö бурмöдны из шом перьян прöдукциялысь ногтуйсö, а сіджö чинтыны энергия видзöмсö, мупытшкөсса озырлун да из шом перьян отрасльлы квалифицируйтöм кадрьяс велöдöмын да дасьтöмын аслас заслугаясысь;

29) «Коми Республикаса почёта эколог» – вөр-ва видзан организациясын, наука-туялан, проектнöй, технологическöй да производственнöй организациясын уджсикас серти уджалысьяслы вөр-ва да биологическöй озырлун видзöмын да содтöмын, этша шыбласа да шыбластöм öнiя производственнöй технологияс да сöстöммöдан комплексяс дасьтöмын да пыртöмын, кутшöмьяс отсöгөн чинас гөгортасö няйтчöдысь веществояслөн петöмыс, экосистема кыпöдöмын, вөр-ва видзан торья зонаяс да заповедникьяс, а сіджö быдмөгьяслысь да пемöсьяслысь торья сикасьяс дорйöмын да видзöмын, экология юкöнын квалифицируйтöм кадрьяс велöдöмын да дасьтöмын заслугаясысь;

30) «Коми Республикаса почёта экономист» – экономика да сьöм овмöс удж юкöнын уджсикас серти специалистьяслы овмöс нуöдöмын водзö сөвмысь выль формаяс да методьяс дасьтöмын да пыртöмын, Коми Республикаса сьöм овмöс система бурмöдöмын, канму сьöм овмöсөн да сьöмкудйысь öтдор канму фондьясса сьöмөн вöдитчöмсö бурмöдöмын, йöзкотырын финансöвöй тöдöмлуньяс кыпöдöмын да Коми Республикаса экономика сөвмöдöм вылö гражданылысь прöст сьöм кыскöмын, экономическöй наука сөвмöдöмын, экономика да сьöм овмöс юкöнын квалифицируйтöм кадрьяс велöдöмын да дасьтöмын аслас заслугаясысь;